



SU CONCHEMAXU

Conchemaxu (girino in italianu) est su nòmene de certos anfibios comente a is arranas candu funt piticus, deretos de nàsciri. Is arranas funt anfibius, poite bivint siat in sa terra, siat in s'abba. Anfibiu, difatis, est unu foeddu ci benit de su grecu antigu ἀμφί, ca bolet narri "dòpiu", e βίος, ca signìficat "vida".

Sa carena (Su corpus)

Su conchemaxu assimbixat a unu pisci piticheddu. Tenet una conca manna ci parit unu maxu, acantu ddue funt totu is òrganus vitalis, e una coa ci ddi servit

po si mòvere in s'abba. Po torrari sùlidu impreat is brànchias comente a is piscis etotu.

S'habitat (Su logu acantu bivit)

Is conchemaxus s'agatant in logu de pauli, in is stàinus e in s'abba arresia (firma) de is puthus o de is piscinas, ma peri in is errius de is montes prenos de erva ci papant po bìviri.

Sa metamòrfosi (Su mudamentu)

S'arrana ciat unu muntone de cocois totu paris. A pustis de duas cidas is oos s'aberint e is conchemaxus ndi essint a foras, ma sighint a bìviri totus in su pròpiu logu e candu si movent ddu faint unius po si difèndere.

Cun su tempus incumènciat sa trasformatzione: essint is pès de nanti e si svilupant is prumones. Poi essint is pès de fatu e passat de vegetarianu a carnìvuru. De custu momentu su conchemaxu est un'arrana fata.

